



Broj: 01-11-2-3198/26-8
Konjic, 18.08.2026. godine

Na osnovu člana 64. stav 1. tačka b) i člana 70. stav (1), (3) i (6) Zakona o javnim nabavkama ("Službeni glasnik BiH" broj: 39/14, 59/22 i 50/24), Preporuke komisije broj: 10-11-2-3198/26-6 od 18.08.2026. godine, u postupku javne nabavke usluga "NADZOR NAD IZVOĐENJEM RADOVA NA IZGRADNJI PLOČASTIH PROPUSTA I MOSTOVA" LOT-1 lokacija Seonica, a u skladu sa članom 38. Statuta Grada Konjica ("Službeni glasnik Grada Konjica" broj: 10/22) gradonačelnik *d o n o s i*

ODLUKU o izboru najpovoljnijeg ponuđača

Član 1.

Prihvata se Preporuka Komisije za nabavku, broj: 10-11-2-3198/26-6 od 18.08.2026. godine za javnu nabavku usluga "NADZOR NAD IZVOĐENJEM RADOVA NA IZGRADNJI PLOČASTIH PROPUSTA I MOSTOVA" LOT-1- lokacija Seonica dodjeljuje se ponuđaču „IDS Studio d.o.o.“ ponuda broj: 011-B-62 od 06.08.2026. godine, za ponudenu cijenu, u iznosu od 2.200,00 KM bez PDV-a odnosno 2.574,00 KM sa PDV-om, kao najpovoljnijem ponuđaču.

Član 2.

Dokazi o ispunjavanju uslova lične sposobnosti moraju biti zaprimljeni na protokol ugovornog organa u roku od pet dana od dana prijema Odluke o izboru najpovoljnijeg ponuđača, u radnom vremenu ugovornog organa, te za ugovorni organ nije relevantno na koji su način dostavljeni. Dokumenti ili uvjerenja koja dostavlja izabrani ponuđač ne smiju biti starija od tri mjeseca, računajući od dana dostavljanja ponude. Dokazi/dokumenti trebaju biti čvrsto uvezani u cjelinu, tako da nije moguće naknadno umetanje i vađenje listova.

Član 3.

Za izvršenje ove Odluke zadužuje se Služba za zajedničke, stručne i inspeksijske poslove.

Član 4.

Ova odluka objaviće se na web – stranici ugovornog organa: www.konjic.ba, u skladu s članom 70. stav (6) Zakona, istovremeno s upućivanjem ponuđačima koji su učestvovali u postupku javne nabavke.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 01-11-2-3198/26-1 od 13.07.2026. godine.

Javna nabavka je provedena putem *otvorenog postupka*.

Procijenjena vrijednost javne nabavke bez PDV-a je 4.800,00 KM.

Procijenjena vrijednost LOT-a iznosi 2.880,00 KM.

Gradonačelnik je Odlukom o imenovanju komisije broj: 01-11-2-3198/26-2 od 14.07.2026. godine, imenovao Komisiju za javnu nabavku i zamjenske članove za nabavku predmetnih usluga.

Na osnovu obavještenja o nabavci broj: 637-1-2-63-3-91/26 objavljenog na Portalu javnih nabavki dana 20.07.2026. godine i tenderske dokumentacije, putem otvorenog postupka, izvršeno je prikupljanje, analiza i ocjena podnesenih ponuda.

Javno otvaranje ponuda izvršeno je 11.08.2026. godine, u sjedištu ugovornog organa (Maršala Tita br. 62, Konjic), što je i konstatovano Zapisnikom o otvaranju ponuda, br. 10-11-2-3198/26-3.

Komisija je blagovremeno i pravilno izvršila otvaranje i ocjenu pristiglih ponuda o čemu je sačinila odgovarajuće zapisnike u kojima je utvrđeno sljedeće:

- da je ukupan broj pristiglih ponuda: 2 (dvije);
Pristigle su ponude sljedećih ponuđača:
 - *PROKOSING d.o.o. Mostar, Bišća Polje bb, 88000 Mostar i*
 - *IDS STUDIO d.o.o. Sarajevo, Tvornička 3, 71000 Sarajevo.*
 - da su blagovremeno zaprimljene ponuda,
 - da je broj neblagovremeno zaprimljenih ponuda: 0 (nula),
 - da su ponude ponuđača navedene iznad prihvatljive u smislu ispunjenosti kvalifikacijskih uslova,
dostavljeni su svi traženi dokumenti u skladu sa zahtjevima iz tenderske dokumentacije,
- Nakon izvršene analize i ocjene ponuda kvalifikovanih ponuđača koji su dostavili kompletnu ponudu u skladu sa predmetnom TD, Komisija je rangirala prihvatljive ponude u skladu sa kriterijem definisanim u tački 22. TD – najniža cijena ponude:

	Naziv ponuđača	Cijena ponude u KM, bez PDV-a	Popust	Ukupna cijena u KM, sa popustom bez PDV-a
1.	IDS Studio d.o.o.	2.200,00 KM	/	2.200,00 KM
2.	Prokonsing d.o.o.	2.500,00 KM		2.500,00 KM

S obzirom da tenderskom dokumentacijom u tački 35. nije predviđeno održavanje e-aukcije, Komisija, na osnovu provedene procedure javne nabavke i ocjene kvalifikovanih ponuđača, ponuđenih uslova, cijena, te priložene dokumentacije i primjenjenih kriterija koje je ugovorni organ odredio u tenderskoj dokumentaciji, je jednoglasno utvrdila da je najnižu cijenu tehnički zadovoljavajuće ponude ponudio ponuđač „IDS Studio“ d.o.o. Sarajevo, te je jednoglasno dala Preporuku rukovodiocu ugovornog organa broj: 10-11-2-3198/26-6 od 18.08.2026. godine, da se ugovor za javnu nabavku usluga „*NADZOR NAD IZVOĐENJEM RADOVA NA IZGRADNJI PLOČASTIH PROPUSTA I MOSTOVA*“ LOT-1 dodijeli ponuđaču „IDS Studio“ d.o.o Sarajevo, za ponuđenu cijenu u iznosu od 2.200,00 KM bez PDV-a.

U postupku donošenja ove Odluke, posebno su cijenjene činjenice da je Komisija za nabavku, pravilno i potpuno, izvršila ocjenu kvalifikovanosti ponuđača i pregled i ocjenu ponuda, u skladu sa kriterijima iz Tenderske dokumentacije.

Prilikom ocjene provedenog postupka, uvidom u dokumentaciju, rukovodilac ugovornog organa nije našao razloge nepravilnosti, niti propuste u radu koji bi eventualno bili osnov za neprihvatanje preporuke komisije.

Naime, u postupku je ocijenjeno da je Komisija u svemu pravilno postupila, i da je izbor ponuđača izvršen u skladu sa Zakonom o javnim nabavkama BiH, podzakonskim aktima, tenderskom dokumentacijom i ponudom izabranog ponuđača.

Iz navedenih razloga, primjenom člana 64. stav (1) tačka b) Zakona o javnim nabavkama, odlučeno je kao u članu 1. ove odluke.

POUKA O PRAVNOM LIJEKU

Protiv ove odluke može se izjaviti žalba, najkasnije u roku od deset (10) dana, od dana prijema ove odluke.

Žalba se izjavljuje Kancelariji za razmatranje žalbi putem ugovornog organa – Grada Konjica.

Žalba se podnosi u dovoljnom broju primjeraka, a koji ne može biti manji od tri, kako bi mogla biti uručena izabranom ponuđaču, kao i drugim strankama u postupku.

Pripremio: *Semir Hajduk*

Kontrolisao: *Nedžad Ramić*

Dostaviti:

1. Gradonačelniku,
2. Ponuđačima x2,
3. Službi za prostorno uređenje, građenje, zaštitu okoline i komunalne poslove,
4. Službi za ekonomsko-finansijske i pravne poslove,
5. Službi za zajedničke, stručne i inspeksijske poslove (*WEB Grada*),
6. A/a.

